

თელავის მუნიციპალიტეტის საკრებულოს  
სამანდატო-საპროცედურო და იურიდიულ საკითხთა კომისიის სხდომის  
ოქმი № 11

ქ.თელავი

10. 09. 2021 წ.

თავმჯდომარეობდა: სამანდატო-საპროცედურო და იურიდიულ საკითხთა კომისიის  
თავმჯდომარის მოვალეობის შემსრულებელი ტიტე დარეჯანიშვილი  
ესწრებოდნენ კომისიის წევრები: დავით ლაღანიძე, მაია მარკოზაშვილი, ლევან  
კოჭლოშვილი, ზურაბ ლილუაშვილი.

სხდომას აგრეთვე ესწრებოდნენ: თელავის მუნიციპალიტეტის მერიის  
ადმინისტრაციული სამსახურის უფროსი თამარ  
ზაზანაშვილი, თელავის მუნიციპალიტეტის მერიის  
სამართლებრივი უზრუნველყოფის განყოფილების უფროსი  
ელენე ფროდუელი, თელავის მუნიციპალიტეტის  
საკრებულოს სამანდატო-საპროცედურო და იურიდიულ  
საკითხთა კომისიაში მოწვეული სპეციალისტი მედეა  
ჩაფურიშვილი.

დღის წესრიგი

1. თელავის მუნიციპალიტეტის ადრეული და სკოლამდელი აღზრდისა და  
განათლების სტრატეგიისა და სამოქმედო გეგმის დამტკიცების შესახებ  
პროექტის განხილვის თაობაზე.

მომხს. ტ. დარეჯანიშვილი

2. თელავის მუნიციპალიტეტის კრიზისების მართვის ძირითადი  
პროცედურებისა და კრიზისული კომუნიკაციის სტრატეგიის დამტკიცების  
შესახებ პროექტის განხილვის თაობაზე.

მომხს. ტ. დარეჯანიშვილი

მოისმინეს: 1. თელავის მუნიციპალიტეტის ადრეული და სკოლამდელი  
აღზრდისა და განათლების სტრატეგიისა და სამოქმედო გეგმის  
დამტკიცების შესახებ პროექტის განხილვის თაობაზე.

აზრი გამოთქვას: ტიტე დარეჯანიშვილმა აღნიშნა რომ სტრატეგიის დოკუმენტი ზოგადად ნებისმიერ სფეროში და განსაკუთრებით ადგილობრივ თვითმმართველობაში, ძალზე მნიშვნელოვანი დოკუმენტია.

მიუხედავად იმისა რომ წარმოდგენილი დოკუმენტი მისაღებია, კომისიის წევრებს წარუდგინა წინადადება რომ აღნიშნული დოკუმენტის დამტკიცება განხორციელდეს მერის ინდივიდუალური სამართლებრივი აქტით.

კომისიის წევრებმა მხარი დაუჭირეს წინადადებას.

გადაწყვიტეს: გაეგზავნოს მუნიციპალიტეტის მერს კომისიის დასკვნა, შემდგომი რეაგირებისთვის.


მოისმინეს: 2. თელავის მუნიციპალიტეტის კრიზისების მართვის ძირითადი პროცედურებისა და კრიზისული კომუნიკაციის სტრატეგიის დამტკიცების შესახებ პროექტის განხილვის თაობაზე.

აზრი გამოთქვას: ტიტე დარეჯანიშვილმა აღნიშნა რომ დოკუმენტი შემუშავებულია საერთაშორისო კვლევითი ორგანიზაციის ფინანსური მხარდაჭერით, ასევე აღნიშნა რომ კრიზისების მართვის უზრუნველყოფა მუნიციპალიტეტის მიერ, ეფექტურს გახდის ადგილობრივ თვითმმართველობას, ამაში კი დიდი როლი ენიჭება გამართული და სრულყოფილი დოკუმენტის არსებობას, თუმცა ამ დოკუმენტის დამტკიცებაც მერის პრეროგატივაა.

კომისიის წევრებმა მხარი დაუჭირეს წინადადებას.

გადაწყვიტეს: გაეგზავნოს მუნიციპალიტეტის მერს კომისიის დასკვნა, შემდგომი რეაგირებისთვის.

კომისიის თავმჯდომარის  
მოვალეობის შემსრულებელი:



ტიტე დარეჯანიშვილი

# თელავის მუნიციპალიტეტის საკრებულო

სამანდატო, საპროცედურო და იურიდიულ

საკითხთა კომისია

2200, ქ.თელავი, ერეკლე II გამზ. 16 ტელ: 599323778, ელ. ფოსტა: nanakhvistani167@gmail.com

## დასკვნა

2021 წლის 10 სექტემბერს კომისიამ განიხილა თელავის მუნიციპალიტეტის ადრეული და სკოლამდელი აღზრდისა და განათლების სტრატეგიის შესახებ, სამართლებრივი აქტის პროექტი. სტრატეგიის დოკუმენტი შემუშავებულია თელავის მუნიციპალიტეტის დაკვეთით და ევროკავშირის ფინანსური მხარდაჭერით.

კომისიამ განიხილა ასევე კრიზისული კომუნიკაციის სტრატეგია, რომელიც შემუშავებულია საერთაშორისო კვლევით ორგანიზაციის ( NDI) მხარდაჭერით და არის მნიშვნელოვანი დოკუმენტი, მუნიციპალიტეტის მიერ კრიზისული სიტუაციების მართვის სფეროში.

ორივე დოკუმენტი წარმოადგენს მუნიციპალიტეტის აღმასრულებელი ორგანოს (მერის) საკუთარი უფლებამოსილების განხორციელებისათვის წინასწარ შემუშავებულ ხედვა-სტრატეგიას, რომელიც მტკიცდება მერის ინდივიდუალური-სამართლებრივი აქტით, ბრძანებით, გარდა ამისა აღნიშნული დოკუმენტები სარეკომენდაციო ხასიათს ატარებს და მითუმეტეს არ საჭიროებს მუნიციპალიტეტის საკრებულოს მიერ სამართლებრივი აქტით, რომლის შესრულებაც სავალდებულოა, დამტკიცებას.

მუნიციპალიტეტის მიერ ზემოაღნიშნული სტრატეგიების აღსრულების დასაწყებად, მერი უფლებამოსილია მომართოს საკრებულოს კონკრეტული გეგმების და ნორმატიული რეგულაციების, სამართლებრივი აქტებით დამტკიცების შესახებ.